

**«Արագածոտնի մարզպետ Դավիթ Գևորգյանի շնորհավորական ուղերձը  
Ուսանողների միջազգային օրվա կապակցությամբ»**

Սիրելի՛ ուսանողներ, շնորհավորում եմ ձեզ՝ Ուսանողների միջազգային օրվա կապակցությամբ:

Տոնն այս հոշակվել է 1946 թվականի նոյեմբերի 17-ին՝ Պրահայում, Ուսանողների համաշխարհային կոնգրեսի կողմից: Այն խորհրդանշում է երիտասարդությունը, գիտելիքների իմացությունը, պայծառ ու թարմ մտածողությունը:

Սիրելի՛ ուսանողներ, ձեր համարձակ և նպատակասլաց գործունեությամբ, ձեր նախաձեռնողականությամբ դուք այսօր մեր կյանքի առաջամարտիկներն եք: ԵՎ ամենևին էլ պատահական չէ, որ դուք հայոց մերօրյա պատմության կարևորագույն իրադարձության՝ թավշյա հեղափոխության ակունքներում եք:

Ձեր համապարփակ և հիմնավոր գիտելիքներով հանդերձ դուք այսօր ուսանողական լսարաններից արդեն վստահելի մասնագետներ եք և հուսալի գործիչներ: Այսօր ձեզ է վերապահված ազատ, հզոր և ժողովրդավարական պետության կառուցման ու զարգացման ապագան:

Կրկին շնորհավորում եմ ձեզ, սիրելի՛ ուսանողներ: Եղե՛ք համարձակ, նպատակասլաց եւ սկզբունքային: Մաղթում եմ առողջություն, երջանկություն, կրթական ու գիտական նորանոր նվաճումներ: Արարե՛ք, ստեղծագործե՛ք, կերտե՛ք մեր պապերի և մեր երազած հայրենքը, վայելե՛ք ազատ, արդար ու երջանիկ հայրենիքում ապրելու բերկրանքը: